

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNI SUD U BIHAĆU
Broj: 001-0-Su-25-000737-7
Bihać, 13.11.2025. godine

Na osnovu člana 70. stav (1) i člana 89. Zakona o javnim nabavkama ("Sl. glasnik BiH", broj: 39/14, 59/22 i 50/24), na preporuku Komisije za javnu nabavku date u Zapisniku broj: 001-0-Su-25-000737-6 od 12.11.2025. godine, u postupku javne nabavke po obavještenju objavljenom na portalu javnih nabavki broj: 8581-7-1-105-3-25/25, za nabavku roba – „Električne energije“, predsjednica Kantonalnog suda u Bihaću donosi:

ODLUKU
o izboru najpovoljnijeg ponuđača i dodjeli
okvirnog sporazuma

I

Prihvata se preporuka Komisije za javnu nabavku o izboru najpovoljnijeg ponuđača za nabavku "Električne energije" i okvirni sporazum za snabdijevanje električnom energijom Kantonalnog suda u Bihaću, dodjeljuje se ponuđaču JP „Elektroprivreda BiH“ d.d. Sarajevo, ul. Vilsonovo šetalište 15, Sarajevo, a prema ponudi broj: 04-1-39326-1/2025 od 05.11.2025. godine s ukupnom cijenom od 28.753,00 KM bez obračunatog PDV-a, odnosno 33.641,01 KM sa obračunatim PDV-om.

II

Prijedlog okvirnog sporazuma dostavit će se na potpis izabranom ponuđaču u skladu sa odredbom člana 89. stav (3) Zakona o javnim nabavkama..

III

Ova Odluka će se objaviti na internet stranici Kantonalnog suda u Bihaću i dostaviti ponuđaču koji je učestvovao u postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj 001-0-Su-25-000737 od 30.10.2025. godine. Javna nabavka sprovedena je konkurentskim zahtjevom za dostavu ponuda sa predviđenim provođenjem e-aukcije u sistemu e-Nabavke. Predviđeno je potpisivanje okvirnog sporazuma sa jednim ponuđačem na period od 01.01.2026. do 31.12.2026. godine.

Procijenjena vrijednost nabavke bez PDV-a je 28.755,00 KM.

Obavještenje o nabavci broj 8581-7-1-105-3-25/25 objavljeno je na Portalu javnih nabavki dana 30.10.2025. godine i Službenom glasniku BiH broj 67/25 a ispravka tenderske dokumentacije objavljena na Portalu javnih nabavki dana 05.11.2025. godine.

Tendersku dokumentaciju, sa Portala javnih nabavki podigla su 3 potencijalna ponuđača a ispravku tenderske dokumentacije podigla su 2 potencijalna ponuđača.

U periodu koji je ostavljen za dostavu ponuda jedan potencijalni ponuđač dao je primjedbe na pojedine članove nacrta ugovora, a na koje je odgovoreno 05.11.2025. godine, na način da je

izmjenjena tenderska dokumentacija u dijelu koji se odnosi na Prilog VI- Nacrt sporazuma, Prilog VII-Nacrt ugovora te Prilog II- Obrazac za dostavljanje ponude.

Na tendersku dokumentaciju nije bilo žalbi od strane potencijalnih ponuđača.

Komisija za javnu nabavku imenovana rješenjem broj: 001-0-Su-25-000737-3 od 10.11.2025. godine izvršila je dana 12.11.2025. godine javno otvaranje ponuda, a nakon otvaranja ponuda izvršila je pregled i ocjenu prispjele ponude te sačinila i dostavila Zapisnik o otvaranju ponuda i Zapisnik o pregledu i ocjeni ponuda broj: 001-0-Su-25-000737-6 od 12.11.2025. godine.

U postupku ocjene provedenog postupka utvrđeno je da je Komisija za javnu nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je blagovremeno zaprimljena jedna (1) ponuda i to ponuda ponuđača JP Elektroprivreda BiH d.d.Sarajevo;
- da nije bilo neblagovremeno zaprimljenih ponuda;
- da je ponuda ponuđača JP Elektroprivreda BiH d.d. Sarajevo prihvatljiva prema obliku, sadržaju, potpunosti, profesionalnoj i tehničkoj sposobnosti,
- da ukupna ponuda ponuđača JP Elektroprivreda BiH d.d. Sarajevo iznosi 28.753,00 KM bez PDV-a, odnosno 33,641,01 KM sa obračunatim PDV-om.

Obzirom da je zaprimljena samo jedna prijava e-aukcija, u skladu sa odredbom člana 3. stav (3) Pravilnika o uslovima i načinu korištenja e-aukcije, e-aukcija nije zakazana.


- Kako je Komisija, u skladu Zakonom o javnim nabavkama i kriterijima iz tenderske dokumentacije, pravilno i potpuno izvršila ocjenu kvalifikovanosti ponuđača, te ocjenu prispjele ponude, za potpisivanje okvirnog sporazuma prihvaćena je ponuda ponuđača JP Elektroprivreda BiH d.d. Sarajevo, s ponudnom cijenom od 28.753,70 KM bez PDV-a, odnosno 33.641,01 KM sa obračunatim PDV-om.

Obzirom na naprijed navedeno, u skladu sa članom 64. stav (1) tačka b) i člana 89. stav (1) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi u roku od 5 dana prijema odluke. Žalba se podnosi putem Kantonalnog suda u Bihaću.

Dostaviti:

1. JP „Elektroprivreda BiH“ d.d. Sarajevo
Vilsonovo šetalište 15
71000 Sarajevo
2. evidencija
3. a/a



Predsjednica suda

Fata Nadarević